



**«Երիտասարդ պատմագետների ասոցիացիա» ՀԿ-ի  
EduArmenia կրթական նախաձեռնություն**

**Ուսուցիչների պետական պարտադիր վերապատրաստման  
դասընթաց 2023**

**Հետազոտական աշխատանք**

**Թեմա՝ Ի՞նչպես բարձրացնել դասի արդյունավետությունը  
աշխարհագրության դասավանդման ընթացքում:**

**Հետազոտող ուսուցիչ՝ Միկիչյան Էլմիրա  
(Երևան քաղաք Հ.Գալստյանի անվ. թ.83 ավագ դպրոց)**

**Երևան 2023թ.**

## **ԲՈՎԱՆԴԱԿՈՒԹՅՈՒՆ**

<b>Ներածություն</b>	<b>3</b>
<b>Գրական ակնարկ Աշխարհագրության դասավանդման մեթոդիկա</b>	
<b>5</b>	
<b>Աշխարհագրության դասավանդման մեթոդները և դրանց դասակարգումը</b>	
<b>5</b>	
<b><u>Աշխարհագրության ուսուցման մեթոդները ըստ գիտելիքի ստացման աղբյուրի</u></b>	<b>7</b>
<b>Աշխարհագրության ուսուցման մեթոդները՝ ըստ դպրոցականների իմացական գործունեության բնույթի</b>	
<b>11</b>	
<b>Ջետազոտական աշխատանքի վերլուծություն</b>	<b>14</b>
<b>Գրականության ցանկ</b>	<b>20</b>

## ՆԵՐԱՃՈՒԹՅՈՒՆ

Հրապուրիչ, խորհրդավոր, հետաքրքիր գիտություն է աշխարհագրությունը: Դպրոցում դասավանդվող առարկաների մեջ գնալով մեծանում է նրա աշխարհայացքային և համամշակութային դերը: Այս առարկայի շնորհիվ է, որ արդի աշխարհագրությունը իր զարգացման օրինաչափություններով, օրեցօր բարդացող և նոր ծնվող հիմնախնդիրներով ճանաչելի է դառնում սովորողներին:

Աշխարհագրությունը ծանոթացնում է սովորողներին բնությանը, բնակչությանը ու տնտեսությանը, տարբեր ժողովուրդների նյութական և մշակութային արժեքներին: Օգնում է ճանաչելու մեր հայրենիքը, հասկանալու և գնահատելու նրա տեղն ու դերը մշտափոփոխ աշխարհում:

Ուստի անհրաժեշտ է սովորողի մեջ դաստիարակել կարողություն բնությունը հասկանալու այնպես, ինչպես այն կա իրականում, պարզ և միաժամանակ բարդ, իր ներդաշնակության մեջ վեհ: Դրա համար պետք է կարողանալ դիտել, վերլուծել և ընդհանրացնել ներկայի մեջ անցյալը տեսնելով միշտ առաջ գնալ: Մտքով և սրտով հասկանալ կենդանի և անկենդանի միասնականության օրենքները:

Հավերժ հայտնի և անհայտ բնության գաղտնարանի բանալիները գտնվում է նաև աշխարհագրություն գիտության և այն երախտավորների ձեռքում, ովքեր կոչված են սովորեցնելու, ուսանելու:

<<Սովորական ուսուցիչը պատմում է: Լավ ուսուցիչը բացատրում է: Բարձրակարգ ուսուցիչը ցույց է տալիս: Հանճարեղ ուսուցիչը ոգեշնչում է>>:  
Ուիլյամ Ուորդ

Մանկավարժներիս կարևորագույն խնդիրն է հետաքրքրություն արթնացնել այս առարկայի նկատմամբ և հետաքրքրությունները դարձնել խթան սովորողների իմացական մակարդակը բարձրացնելու ճանապարհին:

Իմ աշխատանքային գործունեության ընթացքում ես սովորել եմ, սովորեցրել այն ճշմարտությունը, որ կայուն գիտելիք չունեցող, դասավանդման

բազմակողմանի մեթոդաբանությանը չտիրապետող մասնագետը չի կարող ուժեղ մարդ լինել, լիարժեք քաղաքացի դառնալ կամ դաստիարակել:

Աշխարհագրության ուսուցման գործընթացում կարևոր դեր ունեն ժամանակակից ուսուցման ձևերը, որոնք նպաստում են սովորողների մտավոր ունակությունների ակտիվացմանն ու զարգացմանը: Ուսուցման ավանդական

մեթոդներից ինտերակտիվ մեթոդների անցման անձնական փորձի վերլուծության հիման վրա աշխատանքում ներկայացվում են ուսուցման արդյունավետության բարձրացման նոր մոտեցումներն ու մեթոդները: Ներկայումս կարևոր է դարձել դասավանդման ավանդական մեթոդների ու եղանակների հետ համատեղ աշխարհագրության դասավանդման մեջ ներառել ուսուցման ժամանակակից փոխգործուն (ինտերակտիվ) մեթոդներ և եղանակներ՝ նպատակ ունենալով բարձրացնելու ուսուցանվող նյութի յուրացման արդյունավետությունը և զանազան հնարներ կիրառելու հնարավորություն ընձեռնելով:

Արդի պայմաններում ժամանակակից սերունդ կրթելու համար մեթոդական այս նորարարությունները պարտադիր են: Այն նպաստում է սովորողի ինքնուրույն մտածելու, հմտություններ զարգացնելու, քննադատական մտածողության և ստեղծագործելու զարգացմանը:

Երեխաների կարողությունների և հմտությունների ձևավորման համար կարևոր նշանակություն ունի դասավանդման ընթացքում մեթոդների ճիշտ ընտրությունը: Աշակերտն այսօր կարևորում է ուսուցչի կողմից իրեն գիտելիք հաղորդելու ձևը:

«Այս առումով էլ անհրաժեշտ է, որ աշխարհագրության ուսուցիչը յուրաքանչյուր դասին պատրաստվի հանգամանորեն, որովհետև սովորողների կողմից ծրագրային նյութի յուրացումը զգալի չափով պայմանավորված է այդ նյութը հաղորդողի որակից: Աշխարհագրության դասերի հաջողությունը մեծապես կախված է նրա կահավորումից, որի վրա ուսուցիչը պետք է աշխատի օրեր ու ամիսներ առաջ: Դրանք ոչ միայն քարտեզներ են, այլ նաև բազմաթիվ ու բազմաբնույթ ցուցադրական նյութեր»:

Սովորողների կարողությունների և հմտությունների ձևավորման համար կարևոր նշանակություն ունի դասավանդման ընթացքում համապատասխան մեթոդների ընտրությունը: Ուսման նկատմամբ հետաքրքրությունը մասամբ

կարելի է լրացնել նաև հետաքրքրաշարժ ուսումնական նյութի օգտագործմամբ, քանի որ դա նպաստում է դասի արդյունավետության բարձրացմանը:

Ուստի իմ կողմից իրականացվող հետազոտության **նպատակն** է հետազոտել աշխարհագրական քարտեզների, դասագրքերի, դիդակտիկ նյութերի, էքսկուրսիաների նշանակությունը աշխարհագրական մտածողության ձևավորման գործում:

Նպատակին հասնելու համար առաջադրվել, լուծվել են հետևյալ **խնդիրները`**

**Ուսումնասիրել** աշխարհագրական քարտեզների, ատլասների և դասագրքերի կիրառման նշանակությունը աշխարհագրության դասերին: Կազմակերպել էքսկուրսիոն այցելություններ մոնիթորինգի կենտրոններ և տարբեր արտադրական ձեռնարկություններ:

**Վերլուծել** աշխարհագրության տարբեր մեթոդների կիրառումը դասապրոցեսում :

**Կազմակերպել** այդ մեթոդներով դասեր:

**Բացահայտել** մեթոդի հաջողված և թերի կողմերը:

## **Աշխարհագրության դասավանդման մեթոդները և դրանց դասակարգումը**

Այսօր, երբ կրթական բարեփոխումների հիմնական պահանջներից մեկը դարձել է աշակերտակենտրոն ուսուցումը, անցում է կատարվել գիտելիքակենտրոն համակարգից եռակենտրոն համակարգի (գիտելիքներ, կարողություններ և հմտություններ, արժեքային համակարգ և դիրքորոշում) և խնդիր է դրվել սովորել սովորեցնելը, առաջնային պլան են մղվում այդ խնդիրների լուծմանն ուղղված մեթոդներն ու մեթոդական հնարները: Աշխարհագրության դասավանդման մեթոդիկայում ներառվում են.

- **Խոսքային մեթոդները** (պատմելը, զրույցը, բարձրաձայն ընթերցելը, դպրոցական դասախոսություն, շարադրությունը և այլն)
- **Չննական-ցուցադրական մեթոդներ** (նկարազարդումներ, ցուցադրումներ, դիտումներ, ուսումնական կինոֆիլմեր, հավաքածուների (կուլեկցիաների) և մոդելների օգտագործում, պաստառներ և այլն)
- **Գործնական** (փորձեր, գործնական աշխարհանքներ տեղանքում, վիճակագրական տվյալների վերլուծություն, տնային առաջադրանքների կատարում, ուրվագծային քարտեզների լրացում և այլն)
- **Տրամաբանական** (ինդուկտիվ, դեդուկտիվ, անալոգիա և այլն)
- **Ճանաչողական-ստեղծագործական մեթոդներ** (վերարտադրողական, բացատրական-ցուցադրական, պրոբլեմային շարադրանք, հետազոտական և այլն)

• **Չետաքրքրությունների խթանման մեթոդներ**(ճանաչողական և ուսուցողական խաղեր այլն):

• **Ինտերակտիվ-կառուցողական մեթոդներ**(խճանկար, ուսումնական բանավեճ, դերային խաղ, երևույթի ուսումնասիրություն և այլն)

• **Չամագործակցային ուսուցման մեթոդներ**(թիմային առաջադիմություն, շրջագայություն պատկերասրահում, խմբային հետազոտություն և այլն)

• **Քննադատական մտածողության զարգացման մեթոդներ**(ԽԻԿ համակարգ, փոխներգործուն գրառումների համակարգ և այլն)

• **Խմբային աշխատանքի մեթոդներ**(մտածիր-զույգ կազմիր-քննարկիր, ձևագնդի, ուսումնական մրցույթ և այլն):

Արդի ժամանակներում հիմնական մեթոդական նորարարությունները կապվում են ուսուցման ինտերակտիվ մեթոդների կիրառման հետ: Ինտերակտիվ այսինքն փոխանցել կամ գրույցի, երկխոսության մեջ գտնվել ինչ որ մեկի կամ համակարգչի հետ: Ինտերակտիվ մեթոդներով դասերը վարելու հիմնական քայլերն են.

·Դասի նպատակների հստակ սահմանում:

·Սովորելու շահագրգռվածության ապահովվում:

·Տեղեկատվության մատուցում:

·Աշակերտների բաժանումը խմբերի կամ անհատական աշխատանք:

·Ուսուցչի աջակցությամբ աշակերտների աշխատանքի կազմակերպում:

·Աշխատանքների վերջնական արդյունքի ներկայացում:

Մեթոդների կամ մեթոդական հնարների կիրառումը չի կարող ինքնանպատակ լինել, այսինքն՝ պետք է հասնել դասի նախապես ծրագրված նպատակին: Ի վերջո մեր՝ ուսուցիչներիս գլխավոր նպատակն է՝ զարգացնել աշակերտների սեփական

քննադատական

մտածողությունը, վերլուծական, նախաձեռնողական, համագործակցության, համեմատական, ընդհանրացնող մտավոր ունակությունները, ինքնուրույն հետևությունների հանգեցում և բացատրություններ տալու

հմտությունները: Վերջիններս հանդիսանում են ներկայիս ժամանակաշրջանի՝ սովորողից ակնկալվող հիմնական հմտությունները:

**Աշխարհագրության ուսուցման մեթոդիկայում գոյություն ունի և կիրառվում է ուսուցման մեթոդների երկու դասակարգում՝**

**1. ըստ գիտելիքի ստացման աղբյուրի**

**2. ըստ սովորողների իմացական գործունեության բնույթի**, որը պայմանավորված է գիտելիքի յուրացման տարբեր մակարդակներով:

**Աշխարհագրության ուսուցման մեթոդները ըստ գիտելիքի ստացման աղբյուրի լինում է՝ խոսքային, դիտագնական և գործնական:**

**1.1 Աշխարհագրության ուսուցման խոսքային մեթոդները:**

Աշխարհագրության ուսուցման մեթոդներից՝ ըստ գիտելիքի ստացման աղբյուրի առավել կարևորվում է խոսքային մեթոդը: Առանց նրա հնարավոր չէ նաև ուսուցման գործընթացը: Խոսքային մեթոդը ուսուցչի և աշակերտի փոխկապակցված գործնեության համակարգված եղանակ է, որն իրականացվում է խոսքի միջոցով: Գոյություն ունեն բանավոր և գրավոր (մտքի արտահայտումը գրավոր շարադրանքի եղանակով) խոսքային մեթոդներ: Բանավոր խոսքային մեթոդները տարբերվում են նյութի բովանդակության շարադրման ձևով: Այն կարող է կրել մենախոսության բնույթ՝ ուսուցչի պատմումը, բացատրությունը, դպրոցական դասախոսությունը, աշխարհագրական տեղեկատվական աղբյուրի հետ աշխատելու հնարներին ծանոթացումը: Կարող է կրել նաև երկխոսության բնույթ՝ զրույց աշակերտների հետ, աշխատանք դասագրքում զետեղված հարցերի և առաջադրանքների հետ: Ուսուցչի պատկերավոր և հուզական խոսքը մեծ ազդեցություն է թողնում սովորողի խոսքի տրամաբանության ձևավորման և զարգացման վրա: Յարկ եմ համարում ուշադրություն դարձնել ուսուցչի ձայնի տոնայնության վրա: Աշխարհագրության որոշ ուսուցիչներ խուսափում են պատմելուց՝ նախընտրելով զրույցը՝ իբրև առավել ակտիվ մեթոդ: Սակայն ուսուցչի մենախոսությունը ընկալվում է սովորողի կողմից իբրև մտքի կանոնավոր, տրամաբանական կուռ կառուցվածք ունեցող շարադրանքի նմուշ, ուստի ուսուցչի խոսքն անփոխարինելի դեր ունի ողջ կրթական գործընթացում: Խոսքային մեթոդների զարգացման գլխավոր հիմնական ուղղությունը դրանց ներուժի առավելագույն օգտագործումն է սովորողների մտավոր գործնեության կազմակերպման համար: Դրան հասնելու համար անհրաժեշտ է աշակերտներին սովորեցնել տրամաբանական գործողությունների եղանակներին՝ վերլուծություն, համադրում, համեմատում, համակարգում, ընդհանրացում: Խոսքային մեթոդներն անհրաժեշտ են որպեսզի աշակերտների մոտ ձևավորվեն հետևյալ կարողությունները՝ կատարել դատողություն, արտահայտել սեփական միտքը,



պատմել դիտարկված երևույթների մասին, կիսվել տպավորություններով և այլն: [1.Էջ115-117]:

## **1.2 Աշխարհագրության ուսուցման դիտազննական մեթոդները**

Այս խմբի մեթոդները տարբերվում են զննականության միջոցների կիրառմամբ:

Դիտազննական մեթոդներում գիտելիքների աղբյուրներն են հանդիսանում տարբեր ուսումնական պարագաներ: Դիտազննական մեթոդը ուսուցչի և աշակերտի փոխկապակցված գործնեության համակարգված եղանակ է, որն իրականացվում է ցուցադրության միջոցով: Դիտազննական մեթոդների շարքին են պատկանում ուսումնական նկարների, ցուցադրական աղյուսակների, Էկրանային պարագաների, ուսուցողական կամ մանկավարժական նկարների, քարտեզների և մոդելների կիրառման մեթոդները: Դիտազննական մեթոդների հիմնական գործառույթը ուսումնասիրվող օբյեկտի կամ երևույթի պատկերավոր կերպարի ստեղծումն է գիտակցության մեջ, աշխարհագրական օբյեկտների վերաբերյալ պատկերացումների ձևավորումը (օրինակ՝ աերոֆոտոնկարի միջոցով պատկերացում ենք կազմում ձևաձևկույթի, սառցապատ տարածքների, ծովային հոսանքի վերաբերյալ): Ուսուցիչը ցուցադրում է դիտազննական պարագաները, կազմակերպում է դրա ընկալումը աշակերտի կողմից, ղեկավարում է վերջիններիս մտավոր գործունեությունը, սովորեցնում աշխարհագրական իմֆորմացիայի ստացման նմանատիպ աղբյուրների հետ աշխատելու եղանակները: Բազմատեսակ դիտազննական միջոցների ներդրումը ուսուցման գործընթաց նպաստում է ուսումնական նյութի առավել խոր ընկալմանը: Աշխարհագրության ուսուցման գործընթացում դիտազննական մեթոդները առավել կարևոր են, քանզի հիմնված են զգայական իմացության վրա, իսկ զգայական իմացությունը ժամանակային առումով նախորդում է ռացիոնալ իմացությանը մասին հասկացությունը: Տվյալ դեպքում դիտազննական մեթոդները հենք են հանդիսանում խոսքային մեթոդների համար: [1.Էջ145]:

## **1.3 Աշխարհագրության ուսուցման գործնական մեթոդները:**

Գործնական աշխատանքներ: Այս մեթոդներում գիտելիքների ստացման գլխավոր աղբյուր են հանդիսանում աշխարհագրական իրականությունը (բնական և հասարակական) ու նրա մոդելները (քարտեզներ, պրոֆիլներ,

գրաֆիկներ, մանրակերտեր և այլն): Գործնական մեթոդները ուսուցչի ու աշակերտի փոխկապակցված գործողություններ են, որոնք ունեն իրենց առանձնահատկությունները. ուսուցիչը ձևակերպում է խնդիրը ու կազմակերպում աշակերտի գործունեությունը, որն ուղղված է քարտեզի, նկարի, մոդելի կամ այլ օբյեկտի հետ նախատեսվող աշխատանքի եղանակների յուրացմանը (օր.՝ ծանոթացնել քարտեզի «գունային լեզվին», որից հետո որոշել տարբեր վայրերի ռելիեֆի ձևերը՝ ըստ գունային ֆոնի): Ուսուցիչը առաջադրում է խնդիր, որի լուծման համար պետք է օգտվել քարտեզից, նկարից, մոդելից կամ այլ օբյեկտից՝ կիրառելով աշխատանքի՝ արդեն իսկ յուրացված եղանակները, ձեռք բերել նոր գիտելիք (օր.՝ քարտեզի «գունային լեզվի» և «գունային սանդղակի» օգնությամբ որոշել երկրի մակերևույթի տարբեր մասերի բացարձակ և հարաբերական բարձրությունները): Այս մեթոդի կիրառմամբ գործնական դասերի ժամանակ բավականին մեծ հետաքրքրություն է առաջանում աշակերտների մոտ: 10-րդ դասարանում ՀՀ քաղաքների բացարձակ բարձրությունն են հաշվու օգտվելով ատլասների և քարտեզների լեգենդայից: Գործնական մեթոդը ուսուցչի և աշակերտի փոխկապակցված գործունեության համակարգված եղանակ է, որն իրականացվում է սովորողի ինքնուրույն ակտիվ գործողության միջոցով:

Այսպիսով՝ գործնական մեթոդների էությունն այն է, որ ուսուցչի օգնությամբ աշակերտները սովորեն ձեռք բերել նոր գիտելիք ուսուցման միջոցներից (քարտեզից, ֆիլմերից): Գործնական մեթոդները մեծ դեր են խաղում այնպիսի կարողությունների ձևավորման գործում, որոնք անհրաժեշտ են սովորողի ինքնուրույն իմացական գործունեության զարգացման համար և կիրառելի են առօրյա կյանքում, օրինակ՝ թվային տվյալների վերլուծությունը, կառուցողական ունակությունները, ուսուցման տեխնիկական միջոցների հետ աշխատելու և դրանցից գիտելիք քաղելու կարողությունը և այլն:

Գործնական մեթոդների շարքին են պատկանում օբյեկտների ու երևույթների դիտարկումը բնության մեջ, արտադրական և ոչ արտադրական ոլորտի ձեռնարկություններում: Այս մեթոդները նպաստում են աշխարհագրական գիտելիքների կիրառմանը հասարակական կյանքում և աշխատանքի տարբեր ոլորտներում (մթնոլորտային երևույթների կանխատեսում, հեղեղատների առաջացման կանխատեսում, ջրային ավազանների աղտոտման դեմ պայքարի ուղիների որոնում և այլն): Գործնական մեթոդների իրացման հարցում մեծ դեր ունեն գործնական աշխատանքները, որոնք կատարվում են

դասարանում, տեղանքում, արտադրկան և ոչ արտադրական ոլորտի ձեռնարկություններում: Գործնական աշխատանքները աշակերտի ուսուցման կազմակերպման ձև է: Ուսուցողական գործնական աշխատանքները կատարվում են ուսուցչի ղեկավարությամբ: Ուսուցիչը բացատրում է գործողությունների հերթականությունը, ցույց է տալիս կատարման օրինակը և հանձնարարում առաջադրանքը, որը ենթադրում է գործողության վերարտադրումն ու մտապահումը, այսինքն ուղղված է գործողության եղանակի յուրացմանն ու կարողության ձևավորմանը (օրինակ՝ «կետի աշխարհագրական կոորդինատների» որոշումը: Գտնել Երևանի, Տոկիոյի, Մոսկվայի աշխարհագրական լայնությունները, կամ շարժվել քո գտնված վայրից հյուսիս – արևելյան ուղղությամբ 5 քայլ ): Վարժեցնող գործնական աշխատանքները ուղղված են կարողության ամրապնդմանն ու կատարելագործմանը, ինչը կհանգեցնի հմտության ձևավորմանը, այսինքն գործողության ավտոմատացմանը (օր.՝ ինքնուրույն ընտրել Եվրասիա մայրցամաքից երեք տեղանուն և որոշել դրանց աշխարհագրական կոորդինատները, որից հետո կրկնել նույն առաջադրանքը մյուս մայրցամաքների հետ): Այսինքն, ուսուցիչն առաջադրում է կետի աշխարհագրական կոորդինատների որոշմանն ուղղված տարատեսակ աշխատանքներ, որոնք պահանջում են յուրացված կարողության բազմակի կրիկնություն և հանգեցնում հմտության ձևավորման: Ամփոփիչ գործնական աշխատանքները ուղղված են կարողությունների ու հմտությունների յուրացման որակի ստուգմանն ու դրանց կիրառմանը նոր պայմաններում (օր.՝ նավը գտնվում է հվ. լայն. 25° և արվ. երկ. 5° կետում և օգնություն է խնդրում, մոտակա երկու նավերը գտնվում են՝ 1-ինը հվ. լայն. 20° և արմ. երկ. 5°-ում, իսկ 2-րդը՝ հվ. լայն. 12 40° և արվ. երկ. 70°-ում, հարց. ո՞ր նավը ավելի շուտ կհասնի օգնության: Աշակերտի գործողությունը՝ գտնել նավերի տեղը քարտեզի օգնությամբ, չափել հեռավորությունը, արտահայտել կմ-ով կամ ծովային մղոնով և պատասխանել հարցին): Գործնական մեթոդների կիրառումը արդյունավետ է միայն այն դեպքում, երբ սովորողները տիրապետում են ուսումնական աշխատանքի այնպիսի հնարներին, որոնք ընկած են աշխարհագրական կարողությունների ու հմտությունների հիմքում:

[2]:

**2.Աշխարհագրության ուսուցման մեթոդները՝ ըստ դպրոցականների իմացական գործունեության բնույթի**

Չարգացնող ուսուցման գաղափարներն իրականացնելու նպատակով 20-րդ դարի 70-ական թթ մշակվեց և ներդրվեց ուսուցման մեթոդների նոր դասակարգում, որը հաշվի է առնում աշակերտների իմացական գործունեության բնույթը տարբեր տարիքային խմբերում: Այդ գաղափարները այսօր լայն կիրառում են ստացել դպրոցում և հիմք են հանդիսացել ուսուցման գործընթացի կազմակերպման համար: Աշխարհագրության ուսուցման մեթոդիկայում, այս դասակարգման համաձայն, մեթոդները միավորվում են երկու մեծ խմբերում`

- Բացատրացուցադրական մեթոդների խումբ` բացատրացուցադրական և ռեպրոդուկտիվ /վերհիշական/ մեթոդներ,

- Ստեղծագործական մեթոդների խումբ` պրոբլեմային շարադրանքի, մասնակի-որոնողական և հետազոտական մեթոդներ:

Բացատրացուցադրական մեթոդը կիրառվում է ուսուցչի կողմից ուսումնական իմֆորմացիայի փոխանցման ընթացքում: Ուսուցիչը բացատրում է, իսկ աշակերտը մտապահում և վերարտադրում է գիտելիքը այն տեսքով, ինչպես որ մատուցել է ուսուցիչը: Մեթոդի շրջանակներում ուսուցման առավել ընդունված մեթոդական հնարներն են` բացատրությունը, պատմելը (քարտեզի ցուցադրությամբ), բարձրաձայն ընթերցումը, դասագրքի նյութի վերապատմումը, արյուսակային տվյալների որոնումը: Այս մեթոդի օգնությամբ ուսուցիչը ձևավորում է սովորողների գիտելիքների հիմնական պաշարը, որի հիմքի վրա հետագայում կազմակերպվում են ինքնուրույն աշխատանքները: Ուսուցիչը փոխանցում է գիտելիքը, սովորողները յուրացնում են տեղեկությունը` լսում են, կարդում են, դիտում են, մտապահում են, որից հետո պարզ վերարտադրում են ընկալվածը: Բացատրացուցադրական մեթոդը գիտելիքների փոխանցման ամենադյուրին մեթոդն է, իսկ ժամանակի իմաստով` առավել տնտեսողը, քանի որ կարճ ժամանակահատվածում հնարավոր է փոխանցել գիտելիքների մեծ ծավալ: Տնտեսական և սոցիալական աշխարհագրության շրջանակներում այս մեթոդը կիրառվում է ամբողջական թեմաների համալիր ներկայացման նպատակով, օրինակ` «Ֆրանսիայի տնտեսաաշխարհագրական բնութագիրը», «Ֆրանսիայի տնտեսական կապերը» և այլն: Ուսումնական տեղեկատվությունը կարելի է փոխանցել ոչ միայն բանավոր խոսքի, այլև տեխնիկական միջոցների օգնությամբ: Ժամանակակից դպրոցի ուսումնական աշխատանքներում առաջնայնությունը տրվում է բացատրությանը` փոքր-ինչ նվազեցնելով

պատմելու և նկարագրելու դերը: Բացատրացուցադրական մեթոդը կիրառվում է ոչ միայն տեսական գիտելիքի փոխանցման նպատակով, այլև նրա միջոցով ձևավորվում են աշխարհագրության ուսուցման մեջ կիրառվող բազմաթիվ հնարներ՝ քարտեզի ընթերցում, գծակարգի վերլուծում, աշխարհագրական նկարագրության և բնութագրի կազմում և այլն: Բացատրացուցադրական մեթոդը նպատակահարմար է լայնորեն կիրառել նաև ցածր դասարաններում: Վերհիշական կամ ռեպրոդուկտիվ մեթոդի նպատակը գիտելիքի կրկնության, ամրապնդման և վերահսկման իրականացումն է, իսկ քանի որ վերհիշել կամ վերծանել կարելի է միայն այն, ինչ լսել, տեսել, կարդացել ես, ապա այս մեթոդը կիրառվում է բացատրացուցադրական մեթոդի հենքի վրա: Վերհիշական մեթոդի գլխավոր հատկանիշը գործնական եղանակի կրկնությունն ու վերարտադրությունն է ուսուցչի հանձնարարությամբ ըստ որոշակի պլանի կամ նմուշի: Վերհիշական մեթոդը ձևավորում և ամրապնդում է աշխարհագրական հատուկ կարողություններն ու հմտությունները: Ուսուցչի դերը, այս մեթոդի շրջանակներում այն է, որ, հանձնարարելով առաջադրանքը, կարողանա կազմակերպել աշակերտների կողմից գիտելիքի կիրառման և նյութի կրկնության բազմատեսակ եղանակները: Վերհիշելու մեթոդի էությունն է սովորեցնել աշակերտներին կիրառել ստացվող նոր գիտելիքներն արդեն ծանոթ ուսումնական իրավիճակում (աշխատանք տիպային պլանի հետ) կամ նոր գիտելիք ձեռք բերելու համար: Վերհիշական մեթոդներում մեծ տեղ է գրավում աշխատանքը քարտեզի հետ: Սովորողներին տրվում է գետերի, լճերի, լեռնաշխարհների, բնական զոնաների, առանձին պետությունների բնութագրերի պլանը:

Սովորողների առջև դրվում է խնդիր, որոնք նրանք պետք է լուծեն ինքնուրույն կամ ուսուցչի օգնությամբ, գտնեն լուծման եղանակները կամ արդեն ունեցած գիտելիքների կիրառման եղանակները նոր պայմաններում: Հակասությունները արդեն ունեցած գիտելիքների և նոր հանձնարարությունների միջև պետք է հանձնարարեն ինքնուրույն մտային և գործնական գործողություններով, որոնք կունենան ստեղծագործական բնույթ: Ստեղծվում պրոբլեմային իրավիճակ: Պրոբլեմային իրավիճակը սովորաբար ստեղծում է ուսուցիչը (բայց հնարավոր է, որ այն ստեղծի նաև սովորողը իր հարցադրումներով): Աշխարհագրության ուսուցման շրջանակներում առանձնացվում է պրոբլեմային իրավիճակի ստեղծման 3 տեսակ (ըստ Ա.Մ. Մատյուշկինի): Առաջին տեսակ՝ իրավիճակ, երբ խնդրի լուծման համար

գիտելիքներն անբավարար են, կամ խնդրի պայմանները բովանդակում են ոչ լիարժեք տեղեկություն: Երկրորդ տեսակ՝ երբ ամկա գիտելիքներից ընտրվում են նրանք, որոնք անհրաժեշտ են խնդրի լուծման համար: Երրորդ տեսակ՝ երբ աշակերտները պետք է գիտելիքները կիրառել նոր իրավիճակում:

**Պրոբլեմային շարադրանքի մեթոդ:** Մեթոդի նպատակն է ցույց տալ աշակերտին իմացության բարդ ուղին, ճշմարտության պարզաբանման ճանապարհը որևէ բարդ հարցի ապացուցողական լուծման նմուշը: Բարձր դասարաններում ես հաճախ եմ օգտվում պրոբլեմային ուսուցման մեթոդից, երբեմն դիմելով նաև պարադոքսների. օրինակ՝ Չաղը որպես անհոսք լիճ բնության օրենքներով պետք է լինի աղի, բայց սա նմանօրինակ եզակի ջրային աբվատորիա է, որ քաղցրահամ է. ինչու: Կամ Բայկալի ներպա փոկի պարադոքսը, փոկերը՝ որպես կանոն ապրում են միայն ծովերում և օվկիանոսներում (աղի ջրերում), ի՞նչպես է այն հայտնվել այս քաղցրահամ և ամենախորը լճում:

Մասնակի-որոնողական մեթոդ: Այս մեթոդի նպատակն է աստիճանաբար մոտեցնել սովորողին ստեղծագործական աշխատանքին:


**Ջետազոտական մեթոդ:** Այս մեթոդի կիրառման շրջանակներում աշակերտներն ինքնուրույն ուսումնասիրում են իրենց համար լիովին նոր նյութը ինքնուրույն: Այժմ կարևորվում է դպրոցներում աշակերտների կողմից հետազոտական աշխատանքների իրականացումը: Ինքս աշխարհագրության դասավանդման ընթացքում աշակերտների հետ քննիցս կատարել ենք: Ընտրելով համապատասխան թեման կազմակերտել և իրականացրել ենք հետազոտություն Երևանի օդի աղտոտման դեմ պայքարի թեմայով: Ջետազոտական մեթոդն անփոխարինելի է պրոբլեմային ուսուցման պայմաններում, որը հաշվի է առնում աշակերտների անմիջական հետաքրքրություններն ու պահանջմունքները ուսումնական պրոբլեմը պետք է ելնի աշակերտի պահանջմունքները և համապատասխանի նրա պատրաստվածության մակարդակին: 9-րդ դասարանում ՋՋ գետերը, հողերը թեմաների ուսումնասիրության ժամանակ էքսկուրսիոն դաշտային և զննական ու քարտեզագրման մեթոդներով վերլուծում ենք շրջակա հողերի և Դեբեդի ջրի աղտոտվածությունն ու նրա հետևանքները: Օգտվելով նաև <<Բնագետ >> գիտահանրամատչելի ժողովածուից՝ Դեբեդը և նրա հարակից հողերը աղտոտված են ծանր մետաղներով, որոնց թունավորող ազդեցությունը մարդու օրգանիզմի վրա ունի վնասակար պատկեր:

Պրինձ-առաջացնում է արյան կարմիր գնդիկների քայքայում, աճի կանգ, Վիլսոնի հիվանդություն, աչքի, ուղեղի, երիկամների, լյարդի աղտահարում, քաղցկեղ:

Ցինկ-սակավարյունություն, մաշկաբորբ, սրտի իշեմիկ հիվանդություն, քաղցկեղ:

Սնդիկ-կենտրոնական նյարդային համակարգի ախտահարում, մանկամտություն, սակավարյունություն և այլն:

Պատճառահետևանքային կապերի ինքնուրույն վերլուծելու արդյունքում կատարում են եզրահանգում՝ բնության մեջ, աշխարհագրական թաղանթում բոլոր ոլորտները կապված են և գտնվում են փոխազդեցության մեջ: Ուստի մարդու գործունեության հիմքում միշտ պետք է գործի հետևյալ սկզբունքը՝ Բնության դեմ չպետք է պայքարել, այլ բնության հետ պետք է համագործակցել, ուստի պետք է գիտելիքներ ոչ միայն այս կամ այն առարկայից, այլ համակարգային, գիտական մոտեցում, իսկ աշխարհագրությունը տեղայնացնելու մեծ հնարավորություն ունի, որով էլ առաջնորդվում ենք՝ տեսնելու և հասկանալու բերկրանքը բնության ամենահիանալի պարզևն է:





## **Յետագոտական աշխատանքի վերլուծություն**

Չկա ավելի հանրամատչելի և հետաքրքիր գիտություն, քան աշխարհագրությունը, թեկուզ այն ինքնատիպ տեղով, որ այն զբաղեցնում է միջանկյալ դիրք բնական-ֆիզիկական աշխարհագրության առումով և հասարակական գիտությունների միջև: Սակայն ցանկացած դասընթաց գրավիչ դարձնողը ուսուցիչն է: Դասին ներկայացվող ժամանակակից պահանջները լիովին բավարարել դյուրին չէ: Դասաժամի 45-րոպեի ընթացքում պետք է կարողանալ դասի բովանդակությանը հաղորդել բարձր գիտակցություն, կիրառելով դասավանդման ժամանակակից և ավանդական մեթոդները, որոնք ներառում են կրթական ճանաչողական -զարգացնող և դաստիարակչական գործընթացներ:

Դասի արդյունավետությունը կանխորոշված է այթանով, որթանով ուսուցիչը նախապատրաստվել է դրան, որի ընթացքում ի հայտ են գալիս ուսուցչի ստեղծագործական կարողությունները, իսկ այդ կարողությունների սահմանը լոկ տվյալ առարկայով չի սահմանափակվում, այստղ է, որ կարևորվում է մանկավարժի բազմակողմանի զարգացումը, միջառարկայական կապերին տիրապետելը:

Մանկավարժական աշխատանքում վարպետ կդառնա նա, ով իր մեջ զգում է հետագոտոզին, հակառակ դեպքում ուսուցիչը վերածվում է միայն դասատուի:

Յուրաքանչյուր թեմայի ուսուցման առավել արդյունավետ տարբերակներ ընտրելու համար ուսուցիչը պետք է տիրապետի ուսուցման մեծ և բազմաբովանդակ զինանոցի: Ոսումնական և մտավոր գործունեության հնարներն ու միջոցները ճիշտ ընտրելու կարողությանը տիրապետելը աշխատանքի արդյունավետության բարձրացման կարևոր նախապայման է:

Ուսմանական գործունեության կազմակերպման եությունը սովորողների ստեղծագործական ակտիվությունն ու ինքնուրույնության ապահովելն է, անհրաժեշտ է աշակերտին սովորել սովորեցնել, գիտելիքներ

ինքնուրույնաբար ձեռք բերել, հմտությունները մշակել և կարողությունները ձևավորել սովորեցնելը:

Պատմողական առարկա դասավանդող ուսուցիչներին հաճախ չի գոհացնում աշկերտների բանավոր խոսքը, ուստի բոլոր ուսուցիչների խնդիրներից մեկն էլ ուսուցիչների գրագետ բառապաշարն ու աշակերտի ճիշտ խոսքին հետևելն է, ընթերցանության նկատմամբ սեր արթնացնելը: Ծնողների աշխատանքը՝ երեխայի վատորակ հեռուստահաղորդումներից և փողոցային ժարգոնը յուրացնելուց և կիրառելուց գերծ պահելը: Մեր սեփական օրինակով՝ բարեկիրթ վարքագծով և գրագետ ու անթերի խոսքով, բազմակողմանի զարգացվածությամբ պետք է վարակենք մեր սաներին և հետո միայն արդյունք պահանջենք: Յուրաքանչյուր դասի հաղորդում պետք է լինի նպատակային՝ պահպանելով լեզվական ճշտությունը, պարզությունը և արտահայտչականությունը: Որքան էլ կարևորվեն կրթության որակի վրա ազդող գործոնները՝ սոցիալական վիճակ, սովորելու անհրաժեշտ պարագա և միջավայր, նախնական դաստիարակվածություն, իրագործելի կրթական պահանջներ, որակյալ ուսուցիչ-հասարակական պահանջ, սպասվող արդյունքներ, հասարակությանը պիտանի անձնավորություն դառնալու ազգային նպատակներ՝ վերջնաարդյունքում: Այն պայմանավորված է ուսուցիչ-աշակերտ փոխգործառույթով կամ ինքնակրթության մեջ հետևողականությամբ:

Աշակերտը պետք է համոզված լինի, որ իր աշխատանքը անհրաժեշտ է ինչ-որ մեկի համար, որ կատարելով այն, հասնելով որոշակի արդյունքի դրանով իսկ քայլ են անում իրենց ընդհանուր զարգացման մեջ, ուստի աշակերտին որոշակի պահանջ ներկայացնելով՝ պետք է նաև նրան զինել համապատասխան դիրքորոշումներով: Խոսենք օրինակով. <<բնությունը վրեժ է լուծում>> այս մոտեցումն է ընկած 11-12-րդ դասարանների թեմայի 50%-ում: Աշակերտների հետ զրույցում նրանք պետք է յուրաքանչյուր թեմայից հետո արտահայտեն իրենց դիրքորոշումը՝ այս կամ այն հիմնախնդրի ուսումնասիրությունից հետո: Պատճառահետևանքային կապերի վերլուծությունների արդյունքում աշակերտները հանգում են այն եզրակացության, որ մարդը պետք է առաջնորդվի և՛ բնական և՛ հասարակական օրենքով, հնարավորինս պահպանելով բնական հավասարակշռությունը, հակառակ դեպքում բնությունը վրեժ է լուծում

մարդկությանն ապտակելով՝ ջրհեղեղներով, սողանքներով, հրդեհներով, անբուժելի հիվանդություններով և այլն:

Իմ գործունեության գլխավոր նպատակն է՝ զարգացնել աշակերտների սեփական մտածողությունը, վերլուծական, համեմատական, ընդհանրացնող մտավոր ունակությունները, ինքնուրույն հետևությունների հանգեցում և բացատրություններ տալու հմտությունները:

#### Գրականություն

1. Սարգսյան Խ. Բ., Աշխարհագրության դասավանդման մեթոդիկա 4, Երևան, 2002, «Չանգակ-97», 328 էջ.:
2. Մինասյան Ա., «Աշխարհագրության ուսուցման մեթոդներն ու միջոցները» ուսումնական ձեռնարկ, Երևան, 2011 թ.:
3. Մինասյան Ա., «Աշխարհագրության ուսուցման մեթոդիկա» ուսումնական ձեռնարկ, Երևան, 2013 թ.:
4. Բնագետ գիտահանրամատչելի և գիտամեթոդական հանդես 2017, 2
5. Сушкова О.Ю. Методика обучения география. М., 2009 г..